



অবিলম্বে প্রকাশের উদ্দেশ্যে: 7/19/2024

গভর্নর ক্যাথি হোকল

গভর্নর হোকল নিউ ইয়র্ক স্টেটকে, স্টেট ব্যাপী আরও বেশি পরিবারে বিনামূল্যে বা কম খরচে শিশু পরিচর্যা সরবরাহ করতে সহায়তা করার জন্য ডিজিটাল পোর্টাল চালু করেছেন

গভর্নর স্টেটের শিশু পরিচর্যা সহায়তা প্রোগ্রামে ঐতিহাসিক 1.8 বিলিয়ন মার্কিন ডলার স্টেট এবং ফেডারেল বিনিয়োগ বরাদ্দ করেছেন

কর্মসূচিটি সর্বাধিক যোগ্য পরিবারের জন্য বাজার হারের শিশু পরিচর্যা ব্যয়ের 90 শতাংশ কভার করে, যা নিশ্চিত করে যে চারজন সদস্যের বেশিরভাগ পরিবারকে যাতে প্রতি সপ্তাহে 15 মার্কিন ডলারের বেশি অর্থপ্রদান করতে না হয়

বর্তমানে স্টেট ব্যাপী 100,000 পরিবারকে সেবা দেয় এবং আরও কয়েক লক্ষ্য মতো পরিবার আবেদনের যোগ্য

গভর্নর ক্যাথি হোকল আজ, অ্যালবান এর ক্লাব ফেড শিশু পরিচর্যা কেন্দ্রে (Club Fed Child Care Center) মার্কিন সেনেটর কার্শ্টেন গিলিব্র্যান্ডকে পাশে নিয়ে, ny.gov/childcare – এ নিউইয়র্ক স্টেটের শিশু পরিচর্যা সহায়তা কর্মসূচির (Child Care Assistance Program, CCAP) মাধ্যমে স্টেট ব্যাপী যোগ্য পরিবারগুলিতে বিনামূল্যে বা স্বল্প মূল্যের শিশু পরিচর্যাকে আরও অ্যাক্সেসযোগ্য করতে সহায়তা করার জন্য একটি ডিজিটাল পোর্টাল চালু করেন। এই নতুন উদ্যোগটি 2025 অর্থবছরের প্রণীত বাজেটে গভর্নর হোকলের শিশু পরিচর্যা সহায়তা কর্মসূচিতে বরাদ্দ করা ঐতিহাসিক 1.8 বিলিয়ন মার্কিন ডলারের স্টেট এবং ফেডারেল বিনিয়োগের পরবর্তী পদক্ষেপ।

“স্টেটব্যাপী আরও বেশি পরিবারকে বিনামূল্যে এবং স্বল্পমূল্যে শিশু পরিচর্যা সরবরাহ করে এবং পরিবারগুলির জন্য অনলাইনে এই তহবিলের জন্য আবেদন করা সহজ করে আমরা নিউইয়র্ককে আরও সাশ্রয়ী এবং আমাদের অর্থনীতিকে শক্তিশালী আমরা নিউইয়র্ককে আরও

সাশ্রয়ী করে তুলছি,” বলেছেন গভর্নর হোকল। “নিউইয়র্কের প্রথম মা গভর্নর হিসাবে, আমি শিশু পরিচর্যার প্রতিকূলতাগুলি প্রত্যক্ষভাবে বুঝি এবং আমি এই রূপান্তরকারী কর্মসূচিটি যেন আমাদের স্টেট জুড়ে আরও বেশি পিতামাতা এবং শিশুদের কাছে পৌঁছায় তা দেখার অপেক্ষায় রয়েছি।”

রাজ্যের নতুন ডিজিটাল পোর্টালটি স্টেটব্যাপী পরিবারগুলির জন্য শিশু পরিচর্যা সহায়তা কর্মসূচির (CCAP) জন্য আবেদন করা সহজ করে তোলে, যা বেশিরভাগ যোগ্য পরিবারের জন্য সাপ্তাহিক বাজার হারের শিশু পরিচর্যা ব্যয়ের কমপক্ষে 90 শতাংশ কভার করে। অর্থাৎ, চারজন সদস্য থাকা বেশিরভাগ যোগ্য পরিবারকে প্রতি সপ্তাহে 15 ডলারের বেশি অর্থ প্রদান করতে হবে না - শিশু পরিচর্যার সারা বছরের খরচের সহস্রাধিক ডলার সাশ্রয় করবে।

CCAP ইতিমধ্যে স্টেটব্যাপী প্রায় 100,000 পরিবারকে বিনামূল্যে বা স্বল্পমূল্যে শিশু পরিচর্যা সরবরাহ করছে। তবে, স্টেটের কর্মকর্তারা অনুমান করেছেন যে স্টেটব্যাপী আরও কয়েক হাজার পরিবার সম্ভবত CCAP-র জন্য যোগ্য এবং গভর্নর হোকল নিউইয়র্কবাসীদের আবেদন করতে উৎসাহিত করেন।

CCAP একটি স্টেটের কর্মসূচি যা নিউইয়র্ক জুড়ে শ্রমজীবী পরিবারগুলিকে শিশু পরিচর্যার জন্য অর্থ প্রদান করতে সহায়তা করে। যদিও, যোগ্যতা আয় এবং পরিবারের আকার সহ একাধিক কারণের উপর নির্ভরশীল, অনেক পরিবার CCAP-র জন্য যোগ্যতা অর্জন করতে পারে যদি তাদের পরিবারের আয় স্টেটের গড় আয়ের 85 শতাংশ বা তার চেয়ে কম হয়। বর্তমানে, চারজন সদস্যের একটি পরিবারের জন্য স্টেটের গড় আয়ের 85 শতাংশ প্রায় 108,000 মার্কিন ডলার।

পূর্বে, নিউ ইয়র্ক সিটি এবং স্কানেকটাডি কেবল পরিবারগুলি অনলাইনে CCAPর জন্য আবেদন করতে সক্ষম হয়েছিলেন, যখন স্টেট জুড়ে বেশিরভাগ পরিবারকে একটি কাগজের ফর্ম পূরণ করে আবেদন করতে হয়েছিল। রাজ্যের নতুন ডিজিটাল পোর্টাল চালু করা নিশ্চিত করে যে স্টেটব্যাপী পরিবারগুলি সহজেই জানতে পারে যে তারা যোগ্য কিনা, অনলাইনে আবেদন করতে পারে এবং যোগ্য হলে বিনামূল্যে বা কম খরচে শিশু পরিচর্যা অ্যাক্সেস করতে পারে। এটি CCAP-কে স্টেট জুড়ে যোগ্য হতে পারে এমন কয়েক হাজার পরিবারের মধ্যে যতটা সম্ভব পরিবারের কাছে পৌঁছাতে সহায়তা করবে।

নতুন ডিজিটাল পোর্টালটি নিউ ইয়র্ক শিশু ও পরিবার পরিষেবা কার্যালয় (New York Office of Children and Family Services, OCFS) তত্ত্বাবধান করে। পরিবারগুলি যোগ্যতার জন্য যে কোনও অপ্রয়োজনীয় প্রক্রিয়া এবং পরিবারগুলিতে রাখা অপ্রয়োজনীয় প্রতিবেদনের প্রয়োজনীয়তাগুলি পূরণ না করে, আগে থেকে স্ক্রিন করতে সেই পৃষ্ঠায় একটি অনলাইন সরঞ্জাম ব্যবহার করতে পারে এবং তারপরে অবিলম্বে শিশু পরিচর্যা সহায়তার জন্য আবেদন করতে পারে।

নতুন ডিজিটাল পোর্টালটি নিউ ইয়র্ক সিটি এবং স্কেনেকটাডি কাউন্টির বাইরের পরিবারগুলিকে পরিষেবা প্রদান করবে। নিউ ইয়র্ক সিটিতে বসবাসকারী যোগ্য পরিবারগুলিকে অবশ্যই [MyCity পোর্টাল](#) এর মাধ্যমে CCAP-র জন্য আবেদন করতে হবে। স্কেনেকটাডিতে বসবাসকারী যোগ্য পরিবারগুলিকে অবশ্যই [স্কেনেকটাডি কাউন্টি পোর্টাল](#) এর মাধ্যমে CCAP-র জন্য আবেদন করতে হবে। যদি সেই অঞ্চলের কোনও পরিবার স্টেটের নতুন ডিজিটাল পোর্টালের মাধ্যমে আবেদন করার চেষ্টা করে, তবে তাদের কেবল তাদের অঞ্চলে পরিবেশনকারী উপযুক্ত পোর্টালে পুনঃনির্দেশিত করা হবে।

CCAP স্থানীয় সোশ্যাল সার্ভিস ডিস্ট্রিক্ট দ্বারা পরিচালিত হয় এবং OCFS এর তত্ত্বাবধান করে। এই পোর্টাল শুরু করার অংশ হিসাবে, OCFS, নতুন পিতামাতা সহ পরিবারগুলিতে স্টেটব্যাপী CCAP সম্পর্কে তথ্য বিতরণ করতে এবং পরিবারগুলিকে আবেদন করতে উৎসাহিত করার জন্য অসংখ্য স্টেকহোল্ডার সংস্থার সাথে সহযোগিতা করছে।

OCFS কমিশনার ডঃ ডামিয়া হ্যারিস-ম্যাডেন বলেছেন, “আমরা এই নতুন উদ্যোগটি বাস্তবায়নের জন্য গভর্নর এবং আমাদের স্থানীয় সোশ্যাল সার্ভিসেস ডিস্ট্রিক্টগুলির সাথে অংশীদারিত্ব করতে আগ্রহী, যা শিশু পরিচর্যা সহায়তার জন্য আবেদন করতে চাওয়া পরিবারগুলির জন্য বাধাগুলিকে দূর করবে। নতুন, অনলাইন পোর্টালটি আবেদন প্রক্রিয়াটিকে সুবিন্যস্ত করবে, কর্মসূচিটিতে সহজতর অ্যাক্সেস সরবরাহ করবে এবং আরও বেশি পরিবারকে সাশ্রয়, উন্নত মানের শিশু পরিচর্যা পাওয়ার পথ সুগম করবে। আরও বেশি নিউ ইয়র্ক পরিবার এখন আগের যে কোনো সময়ের চেয়ে শিশু পরিচর্যা সহায়তার জন্য যোগ্য যা চার জন সদস্যের একটি পরিবারের জন্য আয়ের সীমাকে স্টেটের গড় আয়ের 85 শতাংশকে 108,631.70 মার্কিন ডলার পর্যন্ত করেছে।”

সিনেট সংখ্যাগরিষ্ঠ নেতা চার্লস শুমার বলেছেন, “এই নতুন ডিজিটাল পোর্টাল চালু করার পাশাপাশি স্টেট জুড়ে পরিবারগুলিতে সাশ্রয়ী মূল্যের শিশু পরিচর্যাকে আরও অ্যাক্সেসযোগ্য করার দিকে নিউ ইয়র্ক একটি গুরুত্বপূর্ণ পদক্ষেপ নিচ্ছে। সাশ্রয়ী মূল্যের শিশু পরিচর্যার অ্যাক্সেস উন্নত করার অর্থ আমরা আমাদের কর্মশক্তিকে শক্তিশালী করে তোলা, আমাদের অর্থনীতিকে উন্নত হতে সহায়তা করা এবং আমাদের ভবিষ্যতের জন্য বিনিয়োগ করারই নামান্তর। এ কারণেই আমি শিশু পরিচর্যার জন্য আসন্ন ফেডারেল বাজেটে 1 বিলিয়ন ডলার বরাদ্দ করার জন্য লড়াই করেছি এবং শিশু পরিচর্যা স্থিতিশীলকরণ আইন (Child Care Stabilization Act) প্রবর্তনের নেতৃত্ব দিয়েছি। গভর্নর হোকল NY জুড়ে পরিবারগুলির জন্য বিনামূল্যে এবং কম খরচে শিশু পরিচর্যা অ্যাক্সেস করা সহজ করার জন্য দারুণ কাজ করছেন এবং আমি তার সাথে কাজ চালিয়ে যাব এবং সবার জন্য সাশ্রয়ী মূল্যের শিশু পরিচর্যার জন্য লড়াই করব।”

সিনেটর কার্স্টেন গিলিব্র্যান্ড বলেছেন, “অপ্রয়োজনীয় চক্রগুলির মধ্যে ঝাঁপিয়ে না পড়ে নির্ভরযোগ্য, বিনামূল্যে বা কম খরচে শিশু পরিচর্যায় সহজ অ্যাক্সেস প্রতিটি পরিবারের প্রাপ্য। শিশু পরিচর্যা সহায়তা কর্মসূচির জন্য নতুন অনলাইন পোর্টালটি স্টেট জুড়ে পিতামাতার জন্য একটি রূপান্তরমূলক সরঞ্জাম হবে এবং অভাবী পরিবারগুলিতে শিশু পরিচর্যা প্রসারিত করবে। আমি এই ঐতিহাসিক ঘোষণার জন্য গভর্নর হোকলের সাথে যোগ দিতে পেরে গর্বিত এবং স্টেট জুড়ে শিশু পরিচর্যা সম্প্রসারণে তার প্রতিশ্রুতির প্রশংসা করি। পরিবারগুলির সাশ্রয়ী, শিশু

পরিচর্যায় সহজ অ্যাক্সেস রয়েছে তা নিশ্চিত করা গুরুত্বপূর্ণ এবং এ কারণেই আমি নিউ ইয়র্ক এবং সারা দেশে শিশু পরিচর্যার অ্যাক্সেস প্রসারিত করতে ফেডারেল পর্যায়ে লড়াই চালিয়ে যাব।”

প্রতিনিধি জো মোরেল বলেছেন, “সাশ্রয়ী শিশু পরিচর্যার অ্যাক্সেসযোগ্যতা বৃদ্ধি করা আমাদের পরিবারগুলিকে সহায়তা করার জন্য এবং একটি শক্তিশালী অর্থনীতি এবং কর্মশক্তি বাড়ানোর জন্য অত্যন্ত গুরুত্বপূর্ণ। শিশু পরিচর্যা সহায়তা কর্মসূচি ইতিমধ্যে নিউইয়র্ক স্টেট জুড়ে অনেক পরিবারকে সহায়তা করেছে এবং এই নতুন বিনিয়োগ, কর্মসূচিটি যাতে আরও বেশি পরিবারের কাছে পৌঁছাতে পারে তা নিশ্চিত করবে। আমি এই গুরুত্বপূর্ণ বিষয়ে গভর্নর হোকলের নেতৃত্বের জন্য আমি তার কাছে কৃতজ্ঞ, এবং আমি প্রতিটি পরিবারের জন্য সর্বজনীন শিশু পরিচর্যাকে বাস্তবে পরিণত করার জন্য ওয়াশিংটনে লড়াই চালিয়ে যাব।”

স্টেট সিনেটের সংখ্যাগরিষ্ঠ নেতা আন্দ্রেয়া স্টুয়ার্ট-কাজিন্স বলেছেন, “সিনেট সংখ্যাগরিষ্ঠ গর্বের সাথে শ্রমজীবী পরিবারগুলির জন্য শিশু পরিচর্যাকে আরও সাশ্রয়ী করার জন্য লড়াই করেছে, যার মধ্যে আয়ের যোগ্যতা বাড়ানোর জন্য শিশু পরিচর্যা সহায়তা কর্মসূচি সম্প্রসারণ করা, আরও বেশি পরিবারকে কর্মসূচির জন্য যোগ্য করে তোলা এবং সবচেয়ে অভাবী পরিবারগুলিকে সহায়তা করা। শিশু পরিচর্যা ডিজিটাল পোর্টাল চালু করা উন্মুক্ত শিশু পরিচর্যার স্লটগুলি সন্ধানকারী পরিবারগুলির জন্য একটি দারুণ সংস্থান হিসাবে কাজ করবে। আমি গভর্নর হোকলকে আমাদের স্টেট জুড়ে পরিবারগুলির জন্য শিশু পরিচর্যার অ্যাক্সেস বাড়ানো অব্যাহত রাখার অংশীদারিত্বের জন্য ধন্যবাদ জানাতে চাই”

অ্যাসেম্বলি স্পিকার কার্ল হেস্টি বলেছেন, “পরিবারগুলির নিরাপদ, সাশ্রয়ী মূল্যের শিশু পরিচর্যা প্রয়োজন যার উপর তারা ভরসা করতে পারে, তবে অনেকের পক্ষে এটি খুঁজে পেতে অসুবিধা হয়। এটি আরও বেশি নিউ ইয়র্কবাসীকে তাদের প্রয়োজনীয় বিনামূল্যে এবং স্বল্প মূল্যের শিশু পরিচর্যার সাথে সংযুক্ত করবে। আমাদের পরিবার সমৃদ্ধ হলে আমাদের স্টেট সফল হয় এবং আমরা আমাদের স্টেটকে বসবাসের জন্য আরও সাশ্রয়ী বাসস্থান করে তুলতে এবং নিউ ইয়র্কের পরিবারগুলিকে সবার থেকে এগিয়ে রাখতে সরকারে আমাদের অংশীদারদের সাথে একসাথে কাজ চালিয়ে যাব।”

নিউ ইয়র্ক জুড়ে শিশু পরিচর্যার অ্যাক্সেস প্রসারিত করতে এবং পরিবারগুলির জন্য সাশ্রয়যোগ্যতাকে উন্নত করতে অর্থবছর 2025 এর প্রণীত বাজেট চার বছর ধরে গভর্নর হোকলের ঐতিহাসিক 7 বিলিয়ন মার্কিন ডলার বিনিয়োগকে অব্যাহত রেখেছে। CCAP-কে সমর্থন করার জন্য 1.8 বিলিয়ন মার্কিন ডলার ছাড়াও, অন্যান্য বিনিয়োগের মধ্যে একটি পরীক্ষামূলক পারিবারিক শিশু পরিচর্যা নেটওয়ার্কস (Family Child Care Networks)-এ অর্থায়ন করা, গৃহ-ভিত্তিক শিশু পরিচর্যা সরবরাহকারীদের সহায়তা এবং প্রশিক্ষণ দেওয়া এবং জাতীয়ভাবে স্বীকৃত শিশু পরিচর্যা সংস্থাগুলির স্বীকৃতি দেওয়া এবং গৃহহীনতার অভিজ্ঞতার সম্মুখীন হওয়া পরিবারগুলিকে পরিষেবা দেওয়া এবং কাজের সময়ের বাইরে অপারেট করার মতো মানদণ্ড পূরণকারী উচ্চমানের পরিষেবা সরবরাহকারীদের জন্য আলাদারকম অর্থপ্রদান প্রতিষ্ঠা করার জন্য 5 বিলিয়ন মার্কিন ডলার অন্তর্ভুক্ত রয়েছে।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)